

Adis Prašović i dr. (2 osobe) - policijska akcija "Insider"

Optužnica podignuta 04. aprila 2025.

Uvod

Optužnica je podignuta za više krivičnih djela u predmetu u kojem su dokazi pribavljeni iz aplikacije Sky, obojica optuženih su u vrijeme činjenja krivičnog djela radili u Ministarstvu unutrašnjih poslova Kantona Sarajevo.

Ime(na) optuženog/optuženih

1. *Prašović Adis, rođen 1979. godine u Sarajevu, državljanin BiH i*
2. *Selak Amer, rođen 1980. godine u Sarajevu, državljanin BiH*

Optužnica

Optuženima se na teret stavlja da su zajedno, u periodu od kraja 2021. do kraja septembra 2022. godine, u svojstvu policijskih službenika Ministarstva unutrašnjih poslova Kantona Sarajevo, kao i ovlaštenih službenih lica koja su imala odgovarajuća ovlaštenja za pristup tajnim podacima u radu na predmetima MUP-a Kantona Sarajevo, s ciljem pribavljanja protivpravne imovinske koristi, od dva lica, čije radnje su u krivičnim spisima predmet policijske obrade i krivične istrage po krivičnim djelima iz stvarne nadležnosti Tužilaštva BiH, u više navrata zahtijevali i primali dar u vidu novca i druge koristi za sebe, da kao policijski službenici suprotno Zakonu o policijskim službenicima Kantona Sarajevo, te suprotno Zakonu o zaštiti tajnih podataka BiH, neovlašteno otkriju činjenice i podatke koji su bili označeni stepenom tajnosti INTERNO i POVJERLJIVO, do kojih su došli postupajući u navedenim svojstvima, svjesni posljedica da bi njihovo otkrivanje moglo štetiti istragama i krivičnim postupcima, i na taj način zajedno stekli protivpravnu imovinsku korist u iznosu od najmanje 18.650,00 KM.

Dalje se navodi da je optuženi Adis Prašović sam, u službenim prostorijama MUP KS, iskoristio svoj službeni položaj i prekoračio granice svojih ovlaštenja, svjestan i znajući da se radi o privremeno oduzetim predmetima po naredbama Suda BiH, u više navrata pristupao privremeno oduzetim predmetima, a koji su bili osigurani i imaju status dokaza, na način da je, bez prethodnog upoznavanja i odobrenja tužioca iz papirne vreće, prisvojio novac privremeno oduzet od određenih lica, te na taj način stekao protivpravnu imovinsku korist u iznosu od najmanje 55.809,75 KM.

Krivična djela za koja je optužen

Povreda tajnosti postupka (član 237. stav 1. KZ-a BiH), primanje dara i drugih oblika koristi (član 380. stav 1. KZ-a F BiH), a Adis Prašović i krivično djelo zloupotreba položaja ili ovlaštenja (član 383. stav 3., u vezi sa stavom 1. KZ-a F BiH), u vezi sa članom 55. KZ-a F BiH, a sve u vezi sa članom 53. KZ-a BiH.

„Ovom objavom ne prejudicira se ishod krivionog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“

Sudski postupak

Optužnica potvrđena: 15. aprila 2025.

Izjašnjavanje o krivici: Dana 3. juna 2025. izjasnili se da nisu krivi

Početak glavnog pretresa: 17. jula 2025.